



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pretiosae Occvpationes Morientivm In Societate Iesv

Nádasi, János

Romae, 1657

Cap. XXIX. Vtendum præparationibus quas præmisisti sanus.

urn:nbn:de:hbz:466:1-45415

pro morte. Is libellus illi panarium, armamentarium, et pretiosa pharetra erat ad actus virtutum in morbo, ac morte. Illum sibi ab amicis agrum visentibus lectitari volebat: illo, veluti optimo thesaurorum, ad finem vsq; vitæ vsus feliciter, nobiles pretiosæ suæ prouidentiaë fructus tulit.

C A P V T X X I X.

Pretiosa occupatio preparationibus ijs ad mortem uti, quas premisisti sanus.

I **B** *Franciscus Borgia*, qui à mortuæ Imperatricis cadauere viuere *Deo* serio didicit, ac postea quater et vicies se ad mortem quotidie comparabat, quasi hoc esset singularum horarum vectigal; à *B. V. Lauretana*, et *de populo* viaticum pro via mortis petijt in itinere vltimo. Duos qui illi viuenti adhuc supererant dies totos holocaustum esse *Deo* optauit; neq; aliquid sibi ex ijs decerpi à quoquam voluit. Quare Cardinales et Legatos, qui eum frequentes inuisebant, vt ab officijs illis tempore illo extremo abstinerent, rogauit. A *Greg. XIII.* missam sibi benedictionem, et plenam pro morte remissionem accepit. Ad hanc mortem se parans quotidie, etiam sanus, bis se quotidie pœnitentiæ Sacramento mundabat. Illud ad rem præ-

Dies omnes, vltimi maxime, sine holocaustum, *Deo.*

præsentem præcipuum, quòd occidente die, duas circiter horas orationi se se immerferit, ea repetens animo quæ vnquam bonæ suæ morti pararat, quotidianà illa quater et vi-
cies præparatione.

1. Oct.
1571.
Ætat. 62.

2 Styrae mortem iam sibi imminentem, sentiens P. *Michaël Vverendel* Græcensis, post crebrò & ardentè iteratas exomologeses, cum iam per vires id quod volebat non liceret, depromptam, quam ipse scripserat, chartam Confessario tradidit: in qua pià serie, ad instar religiosissimi testamenti, suam erga Deum fidem, spem, charitatem; erga *Deiparam*, reuerentiam; erga Cælites, obseruantiam; erga Societatem, studium prolixè & sanctè contestabatur: vt quia ipse illa omnia dicere iam non poterat, vocis vicem charta in illius articuli necessitatem prouidenter conscripta suppleret; ipso quicquid scripserat, magnis intimæ voluntatis significationibus approbante. Atq; hunc ille suæ prouidentia fructum cepit in tempore opportuno. Idem fecere conceptis, & scripto signatis verbis P. Georgius Sigismundus, P. Christophorus Schvartzl, P. Laurentius Chrysofonus, ac plures alij, in exercitijs, & aliàs conceptis verbis testamentum condentes, & quæ in morte vellent, præclaro, teneròq; scripto testati. Gitzinij moriens P. *Ioannes Barthussius* libellum arètè complexus est,

16. Iunii
1652.

6 Aug.
1654.

G g 2

quem

quem variâ erga *Deum*, & *Deiparam* pietate refertum ipse conscripserat: eo amplexu testatus, se omnia ea supremo in agone velle repetere, ac illis immori, quæ istic pretiosè annotàrat.

1643.
Gallob.

3 *P. Ludouicus Bronart* quotquot Sanctos in menstrua sortitione accipiebat, in catalogum referebat: eosq; omnes, id est, sub finem plus quàm trecentos, quotidie inuocabat; egregium pro die supremo adiumentum, quotidie accersitum.

3. Nou.
1630.

Cereus ve-
spertinus.

4 *P. Guilielmus Esch* Ingolstadij decedens prælegi sibi voluit, quas etiam sanus valdè amabat, *S. Caroli Card. Borromæi* Protestationes. Alij accensum cereum quotidie, post examen, manu tenent, veluti morituri; et *Aue Maria* meditatè pronunciant.

Euang.
S. Ioannis.

Cereus
B. Virgi-
nis.

5 *P. Ludouicus de Ponte* suâ manu caractere grandiore descripserat *S. Ioannis* Euangelium: *In Principio erat verbum*: legebatq; ac ad cervical sibi adesse illud volebat in lectulo mortuali. Sub ipsam mortis horam petijt sibi candelam *Beatissimæ Virginis de Monte Serrato* porrigi accensam: quam ille in augusto illo *Virginis* templo ritè benedictam, sibi pro felici supremæ horæ præsidio præparàrat. Ita cum illa lucem æternâ adiit, è tenebris hisce egressus; Angelis illi morienti adesse visis. vnde cubiculum totum instar cæli gloriosum apparuit.

6. Alij

6 Alij Beatissime Virginis imaginem sibi præpararunt in morte præ oculis collocandam, et familiari aliqua oratione salutandam. *Aue Maris Stella, Salve Regina. Aue Regina Calorum, &c.* Alius elegantem mortis imaginem, seu caput, præ oculis habuit sanus: cui subscripsit: *Singuli PP. dicent duo sacra, & fratres duas coronas pro anima N.N. anno * mense * die * defuncti: ut hac arte mortis memor, se præpararet; ac eorū, quæ pro illis qui extra Prouinciam moriuntur per omnem latè Societatem quothebdomadis semel fiunt, quæq; pro illo in Prouincia celebrabuntur, sacrificiorum spe ac memoria se ad bonam fiduciam excitaret.* Ludouicus Segurat religiosus admodum iuuenis, diuersas Angelorum Reginæ icones collocari circa mortualem lectulum voluit: ut in quamcunq; partem se in suprema lucta, et spiritu verteret, menti, oculisq; nulla res alia, præter suauissimam Matrem, occurreret.

Barry Paradisi pag. 473. Imagines B.V. circa lectum.

C A P V T X X X.

Preiosa occupatio in mortis tempus; usus earum precum quas tibi preparasti.

1 **P** Franciscus de Petris, aiebat, se adolescentem, vocem Dei Matris hæc dicentis audisse: *Ingredere, agedum, Filij mei*

Trigaut. exped. sin. lib. 3. c. 81